

ob quæstum prostituunt, pœnâ mortis afficiuntur: quanto magis capite plectendi venient illi, qui proprias filias prostituunt. Farinac. *d. Qu. 144. n. 57. fol. 654. Crimin.* Quod etiam procedit, si illud delictum semel à patre fuerit perfectum. Carpz. *d. qu. 71. num. 19. 20. 21. fol. 167. Criminal.* Quinimò si sciens pater patiatur filias scortari & adulterium committere, ut exinde consequatur lucrum. Modò istæ scientia non possit aliqua ignorantia colorari, vel contraria aliqua credulitate excusari. *per l. 29. pr. ff. ad L. Jul. de Adult.* Farinac. *dict. qu. 144. num. 89. f. 657.* Menoch. *d. casu 534. n. 28.* Et hoc innuunt verba ariculi; Die sich williglich zu unehrlichen/ unkeuschen/ und schändlichen Wercken gebrauchen lasset. Unde manifestum est, lenones quoque & illos dici atque esse, qui filias suas aliis violandas subjici permittunt, licet ipsimet non prostituunt. Aliud tamen est, si pater filias suas scortari sinat; quòd pœna prædicta tantum statuta sit in eos, qui liberos suos aliorum libidinibus prostituunt, cum etiam hic descriptio Ulpiani quadret, *l. 4. §. 2. ff. de his qui not. infam.* quod scilicet lenocinium sit, quæstuarium habere mancipia; Et in eadem causa eum esse, qui in liberis hunc quæstum exercet. Farinac. *d. qu. 144. num. 17. fol. 650. Criminal.* Quamvis tamen parentes, qui in fornicationem liberorum consentiunt, & non contradicendo vel impediendo illam adjuvant, cum illorum officio incumberet, eos ad vitæ honestatem educare, eosque ab istiusmodi flagitiis retrahere, & paterna autoritate coercere, pro ratione circumstantiarum arbitraria quædam pœnâ sunt puniendi. Carpzov. *part. 2. qu. 71. n. 43. f. 161. Crimin.*

Tandem pœna hæc ordinaria cessat, quando illi, qui non sunt parentes, vel etiam parentum loco habentur, filias ad istas libidines prostituunt, uti cum fratres & sorores tale delictum committunt: nam de illis Lex nostra nihil disponit, & pœnales sanctiones tanquam odiosæ non sunt extendendæ.

ARTIC. CXXIII.

Pœna lenocinii, & quorum ope, auxilio consiliove adulteria conciliantur.

Straff der Verkuhlung/ und Helffen zum Ehebruch/
Nach dem zum offtermal die unverständigen Weibsbilder/ und die
 Gunschuldigen Mägdelein/ die sonst unverleumbde ehrliche Personen
 sind/ durch eliche böse Menschen/ Mann und Weiber/ böser be-
 trieg